

3 Hari Penemuan Bersama Tuhan untuk Terobosan Ekonomi dan Kewangan:

5^{hb} Mei (Selasa)

1. Ingatlah bahawa Tuhan menyediakan keperluan-keperluan anda:

Lukas 12:26-27:-- "Perhatikanlah bunga bakung, yang tidak memintal dan tidak menenun, namun Aku berkata kepadamu: Salomo dalam segala kemegahannya pun tidak berpakaian seindah salah satu dari bunga itu. Jadi, jika rumput di ladang, yang hari ini ada dan besok dibuang ke dalam api demikian didandani Allah, terlebih lagi kamu, hai orang yang kurang percaya! -- Lukas 12:26-27,(TB)

2. Tidak kira berapa banyak kerugian yang dicatatkan dan walaupun masa depan kelihatan suram dari segi kewangan. Temuilah rehat dalam pemeliharaan dan penghiburan Tuhan:

Yesaya 43:2 - "Apabila engkau menyeberang melalui air, Aku akan menyertai engkau, atau melalui sungai-sungai, engkau tidak akan dihanyutkan; apabila engkau berjalan melalui api, engkau tidak akan dihanguskan, dan nyala api tidak akan membakar engkau.

Bahan Doa:

1. Berdoalah agar orang-orang yang menghadapi krisis kewangan yang serius tidak akan mengambil tindakan yang melampau seperti beralih kepada hutang pinjaman – 'Along', berjudi, terlibat dalam skim cepat kaya, rompak atau bunuh diri.
2. Doakan agar Jabatan Kebajikan Masyarakat, RELA dan semua Kementerian dan agensi kerajaan yang lain yang berkaitan akan menyelaraskan usaha pengagihan makanan, mengenal pasti keperluan-keperluan, membantu para gelandangan dan mengagihkan dana dengan berkesan. Ini adalah tugas besar dan pemerintah, menteri-menteri dan pegawai memerlukan banyak hikmat dan kasih karunia untuk menjadi peka dan teratur untuk menyelesaikan tugas itu.
3. Berdoalah agar sokongan pemerintah kepada yang miskin dan memerlukan segera disalurkan tanpa penundaan. Semua agensi yang berkaitan akan bekerja sepanjang masa untuk memastikan keperluan orang ramai terutama pakej pertolongan khas dan sokongan kewangan dibuat tepat pada waktunya. Berdoalah agar pegawai-pegawai kerajaan yang baik dan takut akan Tuhan untuk melaksanakan ke semua kerja pengedaran besar-besaran ini.

Deklarasi Kemuliaan Allah Atas Malaysia

Kami mendeklarasikan kemuliaan Allah ke atas ekonomi Malaysia.

Kami mendeklarasikan agar terjadi pemulihan ke atas ekonomi Malaysia, setiap sektor ekonomi akan mengalami kemakmuran.

Kami mendeklarasikan agar terjadi tuaian yang besar di dalam sektor pertanian.

Kami mendeklarasikan agar terjadi pertumbuhan di dalam sektor kewangan.

Akan ada banyak peluang pekerjaan yang baharu untuk rakyat.

Kami menolak roh kemiskinan, kami mendeklarasikan agar kadar kemiskinan akan turun kepada 0%.

Kami memerintahkan dan mendeklarasikan berkat Allah yang luarbiasa ke atas Malaysia.

Kemakmuran rakyat Malaysia akan bertambah dan terus bertambah.

Berkat Tuhan 30 kali lipat, 60 kali lipat dan 100 kali lipat terjadi ke atas Malaysia.

Malaysia akan dipenuhi Kemuliaan Allah, seperti air yang menutupi dasar laut.

Di dalam nama Yesus. Amin.